

新刊元微之文集

二

宋蜀刻本唐人集



YZLI0890174402

本社
編

宋蜀刻本唐人集



YZL10890174402

二十六册

元微之文集卷第九

古體詩

清都夜境

春晚寄楊十二

永壽寺看牡丹

春餘遣興

憶雲之

別李三

秋夕遠懷

東西道

分流水

西還

舍風夕

秋堂夕

酬樂天

楊子華畫

西州院

臺中鞠獄憶舊事

韋氏館泛舟

劉氏館集隱客

元九

寄隱客

投吳端公崔院長五十韻

清都夜境

目此至秋夕七首並
年十六至十八時詩

夜久連觀靜斜月何晶熒寒天如碧玉歷歷細華星樓
榭自陰映雲牖深冥冥纖埃悄不起玉砌寒光清栖鶴
露微影枯松多恠形南廂儼容衛音響如可聆啓聖發
空洞朝真趨廣庭閑開藥珠殿暗閱金字經屏飛動方
息凝神心自靈悠悠車馬上浩思安得寧

春晚寄楊十二兼呈趙八

時楊生集
於趙氏

蒙蒙竹樹深簾牖多清陰避日坐林影餘花委芳襟傾
樽就殘酌舒卷續微吟空際颺高蝶風中聆素琴廣廷

備幽趣復對商山岑獨此愛時景曠懷雲外心遷鶯戀
嘉木求友多好音自無琅玕寶安得蓮花簪寄之二君
子希見雙南金

與楊十二李三早入永壽寺看牡丹

曉入白蓮宮琉璃花界淨開敷多喻草凌亂被幽徑
墜砌錦地鋪當霞日輪映蝶舞香暫飄蜂牽蘂難正
龍處綵雲合露湛紅珠瑩結葉影自交搖風光不定繁
花有時節安得保全盛色見盡浮榮希君了真性

春餘遣興

春去日漸遲庭空草偏長餘英間初實雪絮繁珠網
好鳥多息陰新篁已成響簾開斜照入樹裊游絲上
絕跡念物閑良時契心賞單衣頗新綽虛室復清敞
置酒奉

親賓樹萱自怡養笑倚連枝花恭扶瑞藤杖步履恣優
游望山多氣象雲篆遙卷舒風裾動蕭爽簪纓固煩雜
江海徒浩蕩野馬籠赤霄無由負羈鞅

憶雲之

爲魚實愛泉食辛寧避蓼人生既相合不復論窈窕
海良有窮白日非長皎何事一人心各在四方表泛若
逐水萍居爲附松鳥流浪隨所之縈紆牽所繞百齡頽
跼促況復迷壽夭芟髮君已衰冠歲予非小娛樂不及
時暮年壯心少感此幽念綿遂爲長悄悄中庭草木春
歷亂迤相擾奇樹花冥冥竹竿鳳裊裊幽芳被蘭徑安
得寄天抄萬里瀟湘薨夜夜南枝鳥

別李三

階前附瑤砌，蕙蘭偶芳藿。高位良有依，幽姿亦相託。鮑叔知我貧，享葵不爲薄。半面契始終，千金比然諾。人生繫時命，安得無苦樂。但感遊子顏，又值餘英落。蒼蒼素樹雲，去去絳山鶴。日暮分手歸，楊花蒲城郭。

秋夕遠懷

旦夕天氣爽，風飄葉漸輕。星繁河漢白，露逼衾枕清。丹鳥月中滅，莎鷄牀下鳴。悠悠此懷抱，況復多遠情。

東西道

天皇開四極，便有東西道。萬古閱行人，行人幾人老。願我倦行者，息陰何不早。少壯塵事多，那言壯年好。

分流水

古時愁別淚，滴作分流水。日夜東西流，分流幾千里。通

七

二

塞兩不見波瀾各自起與君相背飛去去心如此

西還

悠悠洛陽夢鬱鬱灞陵樹落日正西歸逢君又東去

含風夕

此後拾遺時作

炎昏勸煩久逮此含風夕夏服稍輕清秋堂已岑寂載
欣涼宇曠復念佳辰擲絡緯驚歲功願我何成績青燐
微月鈎幽暉洞陰竄水鏡涵玉輪若見淵泉壁參差簾
牖重次第籠虛白樹影蒲空牀螢光綴深壁悵望牽牛
星復爲經年隔露網裊風珠輕河泛遙碧詎無深秋夜
感此下流易亦有遲暮年壯年良自惜循環切中腸感
念追往昔接瞬無停陰何言問陳積馨香推蕙蘭堅貞
諒松柏生物固有涯安能比金石況茲百齡內擾擾紛

衆役日月東西馳飛車無留跡來者良未窮去矣定所
適委順在物爲營營復何益

秋堂夕

炎涼正迴于金火鬱相乘雲雷暗交構川澤方蒸騰清
風一朝勝白露忽已凝草木凡氣盡始見天地澄況此
秋堂夕幽懷曠無朋蕭條簾外雨倏閃案前燈書卷蒲
牀席蠅蛸懸復昇啼兒屢啞咽勸僮時寢興之覽昏夜
目詠謠暢煩膺況吟獲麟章欲罷又不能棄殍事已遠
丘道安可勝蜉蝣不信鶴蜩鷄肯窺鵬當年且不偶歿
世何必稱胡爲揭聞見褒貶貽愛憎焉用汨其泥豈在
清如水非白又非黑誰能點青蠅處世苟無悶伴狂道
非引無言被人覺予亦笑孫登

元之

立

酬樂天

時樂天攝尉
子爲括遺

放鶴在深水置魚在高枝
昇沉或異勢同謂非所宜
君爲邑中吏皎皎鸞鳳姿
顧我何爲者翻侍白玉墀
昔作芸香侶三載不暫離
逮茲忽相失旦夕夢魂思
崔嵬驪山頂宮樹遙參差
抵得兩相望不得長相隨
多君歲寒意裁作秋興詩
上有風塵苦下言時節移
官家事拘束安得携手期
願爲雲與雨會合天之垂

楊子華畫

楊畫遠於展何言今在茲
依然古粧服但感時節移
念君一朝意遺我千載思
子亦幾時客安能長苦悲
皓腕卷紅袖錦韞臂蒼鶚
故人斷絃心稚齒從禽樂
當年惜

貴遊遺形寄丹雘骨象或依稀鉛華已寒落似對古人
民無復昔城郭子亦觀病身色空俱寂寞顛倒世人
紛紛之公是真賞畫不成畫賞真相似丹青各所尚工
拙何足恃求此妄中精哀哉子華子

西州院

東川官舍

自入西州院唯見東州城今夜城頭月非暗又非明文
案末席蒲卷舒賊罪名慘悽且煩勸弃之階下行悵望
天迴轉動搖萬里情參辰次第出牛女顛倒傾況此風
中柳枝條千萬莖到來籬下筍亦已長短生感感愴正多
緒鴉鵲相喚驚牆上杜鵑鳥又作思歸鳴以彼撩亂思
吟爲幽怨聲吟罷終不寢夢夢復鐺鐺

臺中鞠獄憶開元觀舊事呈損之兼贈周

元乙

五

兄四十韻

憶在開元觀食栢練玉顏踈慵日高卧自謂輕人豪李
生隔墻住隔墻如隔山恠我久不識先來問驕頑十過
乃一往遂成相往還似我文章卷文章甚煊爛因言辛
庚輩亦願訪羸羸既迴數子願展轉相連攀駘令選科
目若在闈與闈學隨塵土墜漫數公卿關唯恐壞情性
安能懼謗訕還招辛庚李靜處孟巡環進取果由命不
由趨險艱穿楊二三子弓矢次第彎推我亦上道再聯
朝士班二月除御史三月使巴蠻蠻民詎音竹誦訴嚙
拍明痛瘼憐蠻不解語爲發昏師茲歸來五六月旱色
天地殷分司別兄弟各各淚潸潸哀哉劇部職唯數賊
罪緩死款依稀取闕辭方便刪道心常自愧柔髮難久

顯垺支望車乘支痛誰置患奇哉乳臭兒緋紫襦被間
漸大官漸貴漸富心漸慳開裝轡頭繡靜拭腰帶班鷁
子繡線鞞狗兒金油鞞香湯洗驄馬翠篋籠白鷁月
請公主封水受天子頒開筵試歌舞別宅寵妖嬈坐卧
摩綿褥捧擁綏絲轡旦夕不相離比翼若飛鸞而我亦
何苦三十身已繹愁吟心骨顫寒卧支體羸音五閑反又渠云反
丘處雖幽靜尤悔少愉懽不如周道士鶴嶺臨鐘灣繞
院松瑟瑟通畦水潺潺陽坡自尋蕪村沿看濕菅窮通
兩未遂營營真老閑

韋氏館與周隱客杜歸和泛舟

天色低澹澹池光漫油油輕舟閑繳繞不遠池上樓時
物欣外擬真元隨內脩神恬津藏蒲氣委支節柔衆處

元九

六

豈自異曠懷誰我儔風車籠野馬八荒安足遊開顏陸
渾社握手靈都周持君寶珠贈頂戴頭上頭

劉氏館集隱客歸和子元及之子蒙晦之
濕蟄緣竹徑寒落護岸水偶然沽市酒不越四五外詩
客愛時景道人話昇騰笑言各有趣悠哉古孫登

寄隱客

我年三十二鬢有八九絲非無官次第其如身早衰今
人夸貴富肉食與妖姬而我俱不樂貴富亦何爲况逢
多士朝賢雋若布棊班行次第立朱紫相參差謨猷密
勿進羽檄縱橫馳監察官甚小發言無所裨小官仍不
了譴奪亦已隨時成不之弃得不自弃之陶君喜不遇
顧我復何疑潛書周隱士白雲今有期

元和五年予官不_了罰俸西歸三月六日
至陝府與吳十一兄端公崔二十二院
長思愴曩游因投五十韻

小年閑愛春認得春風意未有花草時先醺曉窗睡霞
朝滄雲色霽景牽詩思漸到柳枝頭川光始明媚長安
車馬客傾心奉權貴晝夜塵土中那言早春至此時我
獨遊我遊有倫次閑行曲江岸便宿慈恩寺扣林引寒
龜疏簾出幽翠凌晨過杏園曉露凝芳氣初暘好明淨
嬾樹憐底庫排房似綴珠欲啼紅臉淚新鸞語僑小淺
水光流利冷飲空腹盃因成日高醉酒醒聞飯鍾隨僧
受遺施食罷還復遊過從上文記行逢二月半始足遊
春騎是時春已老我遊亦云旣藤開九華觀草結三條

逐新筍踴犀林落梅翻蝶翅名倡繡轂車公子青絲轡
朝士遇旬休豪家得春賜提携好音樂剪鏹空田地同
占杏花園喧闐各聚萃願予煩寢興復往散憔悴倦僕
色肌羸蹇驢行跛痺春衫未成就冬服漸塵膩傾蓋吟
短章書空憶難字遥聞公主笑近被王孫戲邀我上華
筵橫頭坐賓位那知我年少深解酒中事能唱犯聲歌
偏精變籌義舍詞待殘拍促舞遞繁吹叶噪擲投盤生
獰攝觥使逡巡光景晏散亂東西異古觀閉閑門依然
復幽閑無端矯情性漫有求科試薄藝何足云虛名偶
頻遂拾遺天子前密奏昇平議召見不須臾儉庸已倩
息朝陪香案班暮作風塵尉去歲又登朝登爲栢臺吏
臺官相束縛不許放情志寓直勞送迎上堂煩避諱分

司在東洛所職尤不易罰俸得西歸心知受朝底常山
攻小校淮右擇良帥國難身不行勞生欲何爲吾兄諳
性靈崔子同臭味投此挂符詞一生還自恣

元微之文集卷第九